

本草原始

本草原始

穀部卷之五

胡麻

今脂麻

麻蕒

今火麻仁

黑大豆

大豆黃卷淡豆

豇豆赤小豆

粟

今穀子

醋

糯米

俗呼江米

粳米

俗呼粳米

黍

酒

小麥

浮麥麴麴寒食麴麥如麴飭麥粉

神麴

大麥

麥牙

飴糖

薏苡仁

綠豆

白藟豆

今眉豆

菜部卷之六

冬葵

胡葵

今原葵

瓜蒂

白芥

蒲公英

萊菔

今蘿蔔

白花菜

懷香

今小茴香

蒔蘿

葱

韭 假蘇今荆芥 紫蘇 薄荷 葶藶菜

兔兒酸 生薑乾薑 葫蒜 茄 翻白草

果部卷之七

橘皮青橘皮 藕實節花葉房莖 石蓮子 大棗 葡萄

銀杏 栗 雞頭實即茨實 梅實白梅烏梅 木瓜

柿俗呼柿 枇杷 荔枝 龍眼 甘藷

桃 杏 安石榴 松子 郁李仁

胡桃 檳榔 大腹子大腹皮 山楂今山查 枸櫞今佛手

本草原始

本草原始卷之五

雍正正字李中立纂輯並書畫

穀部

**胡麻**

巨勝也。苗名青蘘。今處處種之。苗梗如麻而葉圓銳光澤。

嫩時可作蔬。按沈存中筆談云。胡麻即今油麻。更無他說。古者中國止有大麻。其實爲蕒。漢使張騫始自胡地大宛得油麻種來。故名胡麻。其莖方。故吳晉本草名方莖。其實類狗虱。故名醫別錄名狗虱。多脂油。故食療本草名油麻。本草衍義名脂麻。俗

作芝麻非也。八穀之中。惟此大勝。故本經名巨勝。

黑胡麻氣味甘平無毒。主治傷中虛羸。補五內益氣。力長肌肉。填髓腦。久服輕身不老。○堅筋骨。明耳目。耐飢渴。延年療金瘡。止痛。及傷寒溫瘧。大吐後虛熱羸困。○潤養五藏。補肺氣。止心驚。利大小腸。耐寒暑。逐風濕。氣遊風頭。風治勞風。產後癰困。催生落胞。細研塗髮。令長白。蜜蒸餌。治百病。○炒食不生風。風人久食。則步履端正。語言不蹇。○生嚼塗小兒頭。瘡煎湯浴。惡瘡婦人陰瘡。大效。

白胡麻氣味甘大寒無毒。主治虛勞。滑腸胃。行風氣。通血脉。去頭上浮風。潤肌肉。食後生噉。一合終身勿輟。又與乳母食之。孩子永不生病。客熱可作飲汁服之。生嚼傳小兒頭上。諸瘡仙方。蒸以辟穀。

青蘘氣味甘寒無毒。主治五藏邪氣。風寒濕痺。益氣補髓。堅筋骨。久服耳目聰明。不飢不老。增壽。○主傷暑熱。作湯沐頭。去風潤皮膚。益血色。治崩中血凝。注者生搗一升。熱湯絞汁。

半升服立愈又牛傷熱搗汁灌之立愈  
 胡麻花主治生禿髮潤大腸人身上生肉丁者擦之即愈

麻稽主燒灰點痣去惡肉方中用  
 胡麻本經上品



今之脂麻即古之胡麻

修治胡麻取烏色者九蒸九晒熬搗餅之斷軟長生充飢雖易  
 得而人未肯常服况餘藥耶又製方以水淘去浮者晒乾以  
 酒拌蒸熟春去皮用

本草原始

穀部

五卷之二

胡麻即脂麻也有遲早二種實有黑白赤三色其莖皆方秋開  
白花亦有帶紫艷者節節結角長者寸許有四稜六稜者房  
小而子少七稜八稜者房大而子多皆隨土地肥瘠而然蘇  
恭以四稜爲胡麻八稜爲巨勝正謂其房勝也胡地所出者  
肥大其紋鵲其色紫黑取油亦多故詩云松下飯胡麻此乃  
所食之穀無疑與白油麻爲一物如川大黃川當歸上黨人  
參齊州半夏之類不可與他土出者更爲二物蓋特以其地  
之所宜立名也  
其葉有本團而末銳者有本團而末分三丫如鴨掌形者葛  
洪謂一葉兩尖者指此殊不知烏麻白麻皆有二種葉也其  
莖高者三四尺有一莖獨上者角纏而子少有開枝四散者  
角繁而子多皆因苗之稀稠而然也  
今市肆間因莖分方圓角稜分多寡遂以苧蔚子偽爲巨勝  
以黃麻子及大藜子偽爲胡麻誤而又誤矣梁簡文帝勸醫  
文有云世誤以灰條策子爲胡麻則胡麻之訛其來久矣惟  
孟詵謂四稜八稜爲土地肥瘠冠宗奭據沈存之說斷然以

脂麻為胡麻足以前證諸家之誤矣又賈思勰齊民要術種收

列仙傳云魯生女長樂人初餌胡麻漸絕火穀凡十餘年少壯

色如桃花一日與知故別入華山後五十年有識者逢生女

乘白鹿從王母游焉後還家謝其親里知故而去

續齊諧記漢明帝永平十五年申剡縣有劉晨阮肇二人入天

台山採藥迷失道路忽逢一溪過之偶遇二女以劉阮姓名

呼之如舊識耳曰即等何來晚耶遂邀之過家設胡麻飯以

延之故唐詩云御羹和石髓香飯進胡麻

千金方烏麻九蒸九晒研末棗膏為丸服之白髮返黑

胡麻油即脂麻油俗呼香油氣味甘微寒無毒主治利大腸產

婦胞衣不落生油摩腫生禿髮○去頭面遊風○主天行熱

悶腸內結熱服一合取利為度○主瘡癰殺五黃下三焦熱

毒氣通大小腸治蛇心諸痛傳一切惡瘡疥癬殺一切虫取一

合和雞子兩顆芒硝一兩攪服少時即瀉下熱毒甚良○陳

油煎膏生肌長肉止痛消腫補皮裂○治癰疽熱病○治

治



本草原始

穀部

五卷之三

熱毒食毒虫毒殺諸虫螻蟻

**麻**始生太山川谷。莖如蒿。一枝七葉。或九葉。五六月開細黃花。成穗。隨即結實。大如胡荽子。可取油。其皮作布及履用之。其稽有稜。可爲燭心。一名麻勃。麻花上勃勃者。子有雌雄。雄者名梟麻。牡麻。雌者名苴麻。爾雅翼名麻賁爲漢麻。本經名大麻。今人呼爲火麻。

火麻仁氣味甘平無毒。主治補中益氣。久服肥健不老。神仙○治中風汗出。逐水氣利小便。破積血。復血脉。乳婦產後餘疾。沐髮長潤。○下氣去風。痺皮頑。令人心歡。炒香浸小便。絞汁服之。婦人倒產吞二七枚即止。○潤五臟利大腸。風熱結燥及熱淋。○補虛勞。逐一切風氣。長肌肉。益毛髮。通乳汁。止消

渴催生難產○取汁煮粥去五臟風潤肺治關節不通髮落  
 ○利女人經脉調大腸下痢塗諸瘡癰殺蝨取汁煮粥食止  
 嘔逆○畏牡蠣白微茯苓  
 麻勃(音白)一名麻花氣味辛溫無毒(主治)一百二十種惡風黑  
 色通身疥癩逐諸風惡血治女人經候不通○治健忘及金  
 瘡內漏 畏牡蠣入行血藥以廣蟲為之使 生疔腫忌見

油主治熬黑壓油


本經上品

七月十五斫倒麻勃即此

傳頭治髮落不  
 生煎熟時時啜  
 之治硫黃毒發

葉搗汁服五合下  
 就蟲場爛傳竭

藥黃時珍曰此當是麻子連殼者氣味辛平有毒(主治)五勞七



後服令人見走○利五臟下血寒氣破積止痺散膿

弘景曰麻子中仁合丸藥并釀酒大善但性滑利

好古曰麻仁手陽明足太陰藥也陽明病汗多胃熱便難三者

千金方治赤遊丹毒麻仁搗末水和傳之 麻仁使

原生太山平澤今處處有之夏至前下種苗高三四尺葉

圓有尖秋開小白花成叢結莢長寸餘經霜乃枯有大小兩種

黑白黃褐青斑數色黑者名烏豆俗呼黑豆可入藥用一名赤

時珍曰豆亦皆莢穀之總稱也篆文亦象莢生附莖下垂之形

大豆在莢中之形廣雅云大豆菽也小豆荅也弘景曰黑大

豆爲藥牙生五寸長便乾之名大豆黃卷。

黑大豆氣味甘平無毒

主治塗癰腫煮汁飲殺鬼毒止痛○逐水脹除胃中熱痺傷中

淋露下瘀血散五藏結積內寒殺烏頭毒久服令人身重炒

爲屑味甘主胃中熱去腫除痺消殺止腹脹○煮食治溫毒

水腫○調中下氣通關脉制金石藥毒牛馬溫毒○炒黑熱

扶酒中飲之治風痺癰緩口噤產後頭風食罷生吞半兩去

心胸煩熱熱風恍惚明目鎮心溫補久服好顏色變白不老

炙食性寒下熱氣腫壓丹石煩熱消腫○主中風脚弱產後

諸疾同甘草煮湯飲去一切熱氣治風毒脚氣煮食治心痛

筋攣膝痛脹滿同桑柴灰煮食下水鼓月脹和飯搗塗一切

毒腫療男女陰腫以綿裹紮之○治下痢臍腹痛止消渴治

腎病利水下氣制諸風熱活血解諸毒蠱毒百藥毒

大豆黃卷氣味甘平無毒○五藏不足胃氣結積益氣止痛去黑奸

本草原始

穀部

五卷之五

潤肌膚皮毛○破婦人惡血○宜腎○除胃中積熱消水痞

**大豆豉**

係蒸熟會曬江右每製賣極多以淡名者為其無鹽故

也豉嗜也五味調和須之而成乃可甘嗜也

淡豆豉氣味苦寒無毒主治傷寒頭痛寒熱瘴氣惡毒煩燥滿

問虛勞喘吸兩脚疼冷殺六畜胎子諸毒治時疾熱病發汗

熬水能止盜汗除煩生搗為丸服治寒熱風胸中生瘡發服

治血痢腹痛研塗陰生瘡治瘡疾骨蒸中毒藥盡氣大咬

下氣調中治傷寒溫毒發斑嘔逆

大豆生平炒食極熱黑大豆本經中品

煮食甚寒作豉極冷

造醬及生黃卷則平


牛食之溫馬食之冷

一體之中用之數變

惡五參龍膽得前胡

烏啄杏仁牡蠣良

大豆黃卷



陶華以黑豆入

鹽煮時常食之

云能補腎蓋豆

乃腎之穀其形

類腎而又黑色

通腎引之以鹽

所以妙也

訖曰大豆黃脣忌豬肉小兒以炒豆豬肉同食必壅氣致死十

有八九十歲已上不畏也

王氏農書云辟穀之方見於石刻水旱蟲荒國家代有甚則懷

金立鵠易子炊骸為民父母者不可不知此法也昔晉惠帝

永寧二年黃門侍郎劉景先表奏臣遇太白山隱氏傳濟飢

辟穀仙方臣家大小七十餘口更不食別物若不如斯臣一

家甘受刑戮其方用大豆五十斗淘淨蒸三遍去皮用大麻子

三斗水浸一宿蒸三遍令口開取仁各搗為末和搗作團如

拳大入甑內蒸從戌至子時止寅時出甑午時晒乾為末乾

服之以飽為度不得食一切物第一頓得七日不飢第二頓

得四十九日不飢第三頓三百日不飢第四頓得二千四百

日不飢更不必服永不飢也

壯容觀紅白永不憔悴口渴即研大麻子湯飲之轉更滋潤

臟腑若要另喫物用葵子三合研末煎湯冷服取下藥如金

色任喫諸物並無所損前知隨州朱頌教民用之有驗序其

首尾勒石於漢陽大別山太平興國寺

**赤豆**

今江淮間多種之。苗高尺餘。葉名霍。類豇豆。葉微圓。峭

而小。花似豇豆花。淡銀褐色。結莢比綠豆莢稍大。入藥以粒緊

小而色赤者為良。蘇恭名赤豆。廣雅名荅。俗呼紅小豆。

赤小豆氣味甘酸平無毒

主治下水腫排癰腫膿血○療寒熱熱中消渴止洩痢利小便

下腹脹滿吐逆卒辟○治熱毒散惡血除煩滿通氣健脾胃

令人美食○搗末同雞子白塗一切熱毒瘡腫○洗小兒黃

爛瘡不過三度○縮氣行風堅筋骨抽肌肉久食瘦人○散

氣去關節煩熱○令人心孔開暴痢後氣滿不能食者煮食一

頓即愈和鯉魚煮食甚治脚氣○鮮小麥熱毒煮汁解酒病

鮮衣粘綴○赤黥而小者良

本經中品

○赤黥而小者良

一種色紅如



辟厭疾病正月元旦面東以盥水吞赤小豆三七枚一年無諸疾○又七月立秋日面西以井華水吞赤小豆七枚一秋不犯痢疾

赤小豆使


**粟**出江東及西間。今處處有之。苗葉似茅。種類有青赤黃白黑諸色。穗有大小毛光不同。粒比黍而圓小。春秋題辭云。粟乃金所立。米為陽之精。故西字合米為粟。許慎云。粟之為言續也。續於穀也。古者以粟為黍稷梁秫之總稱。而今之粟。在古但呼為梁。後人乃專以梁之細者名粟。今北人呼為穀子。熟舂成細粒。謂之小米。



粟米氣味鹹微寒無毒○主治養腎氣去脾胃中熱益氣陳者  
 苦寒治胃熱消渴利小便○止痢壓丹石熱○水煮服治熱  
 腹痛及鼻衄為粉和水濾汁解諸毒治霍亂及轉筋入腹又  
 治卒得鬼打○解小麥毒發熱○治反胃熱痢煮粥食益丹  
 田補虛損開腸胃

粟別錄中品

粟米汁主治霍亂  
 卒熱心煩渴飲數  
 升立瘥臭汗止消  
 渴尤良○酸汗及  
 澱洗皮膚瘡疥殺  
 蟲飲之主五痔和  
 臭糲皮煎服治小  
 兒疳痢



古呼粟為梁梁者良也穀之良者也或云種出自梁州或云  
 梁米性涼故得梁名自漢以後始以大而毛長者為梁細而  
 毛短者為粟今則通呼為粟而梁之名反隱矣

黃梁米氣味甘平無毒主治益氣和中止洩○去客風頑痺○

止霍亂下痢利小便除煩熱

白梁米氣味甘微寒無毒主治除熱益氣○除胸膈中客熱移

五臟氣緩筋骨凡患胃虛并嘔吐食及水者以米汁二合薑

汁一合和服之佳○炊飯食之和中止消渴

青梁米氣味甘微寒無毒主治胃痺熱中消渴止洩痢利小便

益氣補中輕身長年羹粥食之○健脾治洩精

赤梁米俗呼紅穀米胎動下血炊飯食之良

陳粟米治痢甚并胃熱消渴

藏器曰胃冷者不宜多食粟浸水至敗者損人瑞曰與杏仁同

食令人吐瀉鴈食足重不能飛

子方治鼻衄不止粟米粉水煮服之良

**醋**有數種有米醋、麥醋、麴醋、糠醋、糟錫醋、桃醋、葡萄、大棗、梨、

諸雜果醋亦極酸烈惟米醋陳久者入藥良餘止可啖食古方

多用酢字俗呼苦酒以其有苦味也劉熙釋名云醋措也能措置食毒也孔子曰或乞醯焉即此也

米醋氣味酸苦溫無毒

主治散癰腫散水氣殺和毒○理諸藥消毒○治產後血運除癥塊堅積消食殺惡毒破結氣心中酸水痰飲○下氣除煩治婦人心痛血氣并產後及傷損金瘡出血昏運殺一切魚肉菜毒○磨青木香止卒心痛血氣痛浸黃蘗含之治口瘡調大黃末塗腫毒煎生大黃服治痲痺甚良○散瘀血治黃疸黃汗

綱目云酸屬木脾病勿多食酸酸傷脾肉膈而唇揭北瑣夢言一婢抱孩子擁爐不覺落火爐上遽以醋泥塗之至

曉不痛亦無癰痕

又一小鏡子伴醫工趙卿診之與少年期來日一少年睛中常見一小鏡子伴醫工趙卿診之與少年期來日以魚鱗奉候少半及期赴之延於內且從容俟客進方接

俄而設臺子施一甌芥醋更無他味卿亦未出迨久候不至少年飢甚且聞醋香不免輕啜之逡巡竭甌啜之覺胸中豁然眼花不見卿出云君食魚鱠太多有魚鱗在胃中所以眼花魚畏芥醋故備芥醋欲君因飢以啜之果愈此疾烹鮮之會乃權詐也

服茯苓丹參人不可食醋

**糯米**

本經載名曰稻米一名稌南方水田處多種之按蘇東坡

云稻者穰穀通名羅氏亦曰在穀通謂之稻爾雅云稌稻也郭璞云沛國呼稌周頌云豐年多黍多稌禮記云牛宜稌豳風云十月穫稻皆是一物也說文云稌稻屬也沛國謂稻爲糯字林云糯粘稻也稌不粘稻也今人呼糯者如字林所說也本經稱

稻者。如說文所說也。稻從畀象人在臼上治稻之義。稌則方言稻音之轉爾。其性粘軟。故謂之糯。頴曰。糯米緩筋。令人多睡。其性糯也。宗奭曰。今造酒糯稻也。北人呼爲江米。

糯米氣味苦溫無毒。思邈曰。味甘。

主治作飯溫中。金人多熱大便秘堅。○能行榮衛。中血積。解完青。

斑發毒。○益氣止泄。○補中益氣止霍亂。後吐逆不止。以一。

合研水服之。○以駱駝脂作煎餅。食主痔疾。○作糜一斗。食。

主消渴。○暖脾胃止虛寒洩痢。縮小便。收自汗。發痘瘡。

米泔氣味甘涼無毒。主治益氣止煩渴。霍亂解毒。食鴨肉不消。

者頓飲一盞即消。

花陰乾入揩牙。烏鬚方用。

稌氣味辛甘熱無毒。主治黃病如金色。煮汁浸之。仍以穀芒炒。

黃烏末酒服。○燒灰治墜撲傷損。

糯米 別錄 本品 專指 糯米 為



頃曰糯米性寒作酒則熱糟乃溫平時珍曰糯性粘滯難化小

思兒病入最宜忌之

澹寮方治勞心吐血糯米半兩蓮子心七枚為末酒服

**粳米** 一名杭有水旱二種早中晚三收南方地下塗泥多宜水

稻北方地平惟澤土宜旱稻西南夷亦有燒山地為畬田種旱

本草綱目卷之十一 穀部 一

稻者謂之火米。古者惟下種成畦。故祭祀謂稻為嘉蔬。今人皆拔秧栽插矣。其種不同。俱隨土地所宜也。其穀有光芒長短大小。其米有赤白紫青堅鬆。其性有溫涼寒熱。亦因土產形色而異也。入藥以晚粳者為良。故曰粳米。粳者硬也。北人呼為大米。亦呼稻米。孔子曰。食夫稻。即此也。

粳米氣味甘平無毒

主治益氣止煩止渴止洩。○溫中和胃氣。長肌肉。○補中壯筋

骨益腸胃。○養汁主心痛止渴斷熱毒下痢。○合炙實作粥

食益精強志聰耳明目。○通血脉和五臟好顏色。○常食乾

粳飯令人不噎

浙二泔主治清熱止煩渴利小便涼血

粳穀奴主治走馬喉痺燒研酒服方寸七立效  
禾稈主治解砒毒燒灰新汲水淋汁瀝清冷服一碗毒當下出

粳米  
別錄中品

今人呼粳  
通謂之稻

十月收者  
為晚粳



穎曰新米乍食動風氣陳者下氣病人尤宜  
說曰同馬肉食發痼疾和蒼耳食令人卒心痛急燒倉米灰和

簡要濟製方治鼻衄不止服藥不應獨聖散糯米微炒黃為末  
每服二錢新汲水調下



**黍**出北間。禾屬而黏者也。其苗似粟而低小。有毛。結子成枝而而殊散。其粒大於粟而光滑。有數種。赤者曰藁。白者曰芑。黑者曰秬。一稗二米曰秠。魏子才六書精蘊云。黍下從禾。象細粒散垂之形。汜勝之云。黍者暑也。待暑而生。暑後乃成也。故謂之黍。孔子曰。禾可爲酒。禾入水也。然則又以禾入水三字合而爲黍。其米北人呼爲黃米。

黍米氣味甘溫無毒

主治益氣補中○燒灰和油塗杖瘡止痛不作癰○嚼濃汁塗

小兒鵝口瘡有效

丹黍米氣味甘微寒無毒

主治欬逆上氣霍亂止洩利除熱止煩渴下氣止欬嗽退熱  
 治驚癇以新熟者淘泔汁生服一升不過三二度愈  
 洗曰醉臥黍穰令人生厲人家取其並  
 穗作提拂掃地印匠作刷印書作湯  
 浴通身水腫黃蘗汁飲之解毒  
 和小豆黃汁下小便

黍別錄中品  
 黍米肺之穀  
 也肺病宜食之



黍米久食令人多煩熱發故疾昏五臟緩筋骨絕血脉合葵菜  
 食成癰疾合牛肉白酒食生寸白蟲

本草原始

穀部

五卷十二

傷寒類要治男子陰易用升黍米三兩煮薄酒和飲令發汗即愈

**酒**秫黍粳麥粟並可釀造惟糯米黍米麴麴造者為良飲饌

標題云酒之清者曰釀濁者曰盜厚曰醇薄曰醕重釀曰酎一宿曰醴美曰醕未榨曰醕紅曰醕綠曰醕白曰醕按許氏說文云酒就也所以就人之善惡也一說酒字篆文象酒在卣中之狀。

酒氣味苦甘辛大熱有毒○主治行藥勢殺百邪惡毒氣○通血脉厚腸胃潤皮膚散濕氣消憂發怒宣言暢意○養脾氣扶肝除風下氣○解馬肉桐油毒升石發動諸病熱飲之甚良

陶弘景曰大寒凝海惟酒不冰明其性熱獨冠群物藥家多用  
 以行其勢人飲多則體弊神昏是其有毒故也  
 博物志云王肅張衡馬均三人冒霧晨行一人飲酒一人飽食  
 一人空腹空腹者死飽食者病飲酒者健此酒勢辟惡勝於  
 作食之效也  
 說曰久飲傷神損壽軟筋骨動氣痢醉臥當風則成癰風醉浴  
 冷水成痛痺服丹砂人飲之頭痛吐熱  
 藏器曰凡酒忌諸甜物酒漿照人無影不可飲酒合乳飲令人  
 氣結同牛肉食令人生蟲酒後臥黍穰食豬肉患大風  
 中酒毒者枳椇葛花赤豆花綠豆粉解之寒勝熱也  
 震亨曰本草止言酒熱有毒不言其濕中發熱近於相火醉後  
 振寒戰慄可見矣又性喜升氣必隨之痰鬱于上溺澀于下  
 恣飲寒涼其熱內鬱肺氣太傷其始也病淺或嘔吐或自汗  
 或瘡疥或鼻齇或濕痢或心脾痛尚可散而去之其久也病  
 深或消渴或內疽或肺癰或鼓脹或失明或哮喘或勞瘵或  
 癰癩或痔漏為難名之病非具眼未易處也可不謹乎

頴曰人知戒早飲而不知夜飲更甚既醉既飽睡而就枕熟壅

傷心傷目夜氣收飲酒以發之亂其清明勞其脾胃停濕生

痰動火助慾因而致病者多矣朱子云以醉為節可也

時珍曰酒天之美祿也麪麪之酒少飲則和血行氣壯神禦寒

消愁遣興痛飲則生痰動火耗血亡精爛胃腐腸蒸筋潰髓

即堯夫詩云美酒飲教微醉後此得飲酒之妙所謂醉中趣

壺中天者也若夫沉湎無度以醉為常者輕則致疾甚則喪

國亡家而隕軀命其害可勝言哉此大禹所以疏儀狄周公

所以著酒誥為世範戒也

宗奭曰戰國策云帝女儀狄造酒進之於禹說文曰少康造酒

然本草已著酒名素問亦有酒漿則酒自黃帝始非儀狄矣

驚師辛死溫酒灌之即醒

**小麥**

一名來秋種冬長春秀夏實具四時中和之氣故為五穀

之貴許氏說文云天降瑞麥一來二薶象芒刺之形天所來也

如足行來。故麥字從來從久。久音緩足行也。詩云。貽我來牟是矣。

又云。來象其實。久象其根。醫學入門云。小形小也。麥脈也。以繼

續穀米。續民命脈。爾雅云。麥者。接絕續乏之穀。

小麥氣味甘微寒無毒。○主治除客熱止煩渴咽燥利小便養

肝氣止漏血唾血。○令女人易孕。○養心氣。心病宜食之。○煎

湯飲治暴淋。○熬末服殺腸中蠅蟲。○陳者煎湯飲止虛汗

燒存性油調塗諸瘡湯火傷灼。

浮麥氣味甘鹹寒無毒。○主治益氣除熱止自汗盜汗骨蒸虛

熱婦人勞熱。

麥麩主治時疾熱瘡爛撲損傷折瘀血醋炒罯貼之。○和麩作

餅止洩痢調中去熱健人以醋拌蒸棗盛包熨人馬冷失腰

脚傷折處止痛散血。○醋蒸慰手足風濕痺痛寒濕脚氣互

易至汗出並良末服止虛汗。

麥麩氣味甘溫有微毒○主治補虛久食實人膚體厚腸胃強  
氣力○養氣補不足助五臟○水調服治人中暑馬病肺熱  
○傳癰腫損傷散血止痛生食利大腸水調服止鼻衄吐血  
寒食麩滅癰瘰○蒸餅打糊調上焦藥為丸下咽即化  
麥奴治熱煩天行熱毒解丹石毒○苗消酒毒絞汁飲之

小麥  
別錄中品



麥粉解熱和中益氣勞熱人宜煮食之  
麥粉係麩麩洗勑澄出漿粉今人漿衣多用之按萬善堂方云  
烏龍膏治一切癰腫發背無名腫毒初發煨熟未破者取效  
如神用隔年麥粉愈久者愈佳以鍋炒之初炒如觴久炒則

乾成黃黑色。冷定研末。陳米醋調成糊。熬如黑漆。瓷罐收之。用時攤紙上。翦孔貼之。即如冰冷疼痛。即止。少頃覺痒。乾亦不能動。久則腫毒自消。藥力亦盡。而脫落甚妙。此方屢用屢驗。藥易而功大。濟生者宜收藏之。

**神麴**

按六月六日造者。謂諸神集會。此日故也。所用藥料。各肖

神名。其方用白麴一百斤。以象白虎。蒼耳草自然汁三升。以象勾陳。野麥自然汁四升。以象騰蛇。青蒿自然汁三升。以象青龍。杏仁去皮尖四升。以象玄武。赤小豆煮熟去皮三升。以象朱雀。一如造酒麴法式。用麻葉或楮葉包罨。待生黃衣。晒收之。本草綱目曰。麴以米麥包罨而成。故字從麥。從未從包。省文會意也。



劉熙釋名云。麴朽也。鬱之使生。衣敗朽也。

神麴氣味甘辛溫無毒

主治化水穀宿食。癥結積滯。健脾暖胃。○養胃氣。治赤白痢。○消食下氣。除痰逆。霍亂泄痢。脹滿諸疾。其功與麴同。閃挫腰痛者。煨過。滓酒溫服。有效。婦人產後欲回乳者。炒研服。二錢。

日二即止甚驗

元素曰。陽中之陽也。入足陽明經。

修治神麴。須火炒黃。以助土氣。陳久者良。

摘玄方治食積心痛。陳神麴一塊。燒紅。滓酒二大碗服之。

**大麥** 一名牟麥。出關中。麥之苗粒皆大於衆。故得大名。說文云。

牟大也。通作麴。孟子曰。今夫麴麥。即此也。水浸脹候生芽。曝乾。

**名麥蘗** 俗呼麥芽。

大麥氣味鹹溫微寒無毒

主治消渴除熱益氣和中又云令人多熱為五穀長○補虛劣

壯血脈益顏色實五臟化穀食止洩不動風氣久食令人肥

白滑肌膚為麴勝於小麥無躁熱○麴平胃止渴消食療脹

滿○久食頭髮不白和針砂沒石子等染髮黑色○寬胸下


氣涼血消積進食

麥芽氣味鹹溫無毒主治消食和中○破冷氣去心腹脹滿○

開胃止霍亂除煩悶消痰飲破癥結催生落胎○補脾胃虛

寬腸下氣腹鳴者用之○消米麴諸果食積

別錄中品



大麥飼馬良

修治麥牙去鬚取其中米炒研麪用今惟炒用

大麥石蜜爲之使麥牙豆蔻縮砂烏梅木瓜芍藥五味子爲使  
孫真人方治麥芒入目大麥煮汁洗之即出

李絳兵部手集方治產後腹脹不通轉氣急坐臥不安以麥蘗  
一合爲末和酒服良久通轉神驗此乃供奉輔太初傳與崔  
即中方也

**糯** 北人謂之餇。糯米粳米黍粟米蜀秫米大麻子枳椇子黃

精白朮並堪熬造。惟以糯米作者入藥。粟米者次之。餘但可食  
耳。李時珍曰。餇餇用麥蘗或穀芽同諸米熬煎而成。古人寒食  
多食餇。故醫方亦收用之。按劉熙釋名云。餇之清者曰飴。形怡  
怡然也。稠者曰餇。強硬如餇也。如餇而濁者曰餇。方言謂之餇。

饒陳嘉謨曰。因色紫類琥珀。方中謂之膠飴。乾枯名飴。

飴。糖氣味甘大溫無毒。○主治補虛乏止渴去血。○補虛益氣力止腸鳴咽痛治唾血消痰潤肺止嗽。○健脾胃補中治吐血打損瘀血者。熬焦酒服能下惡血又傷寒大毒嗽於憂菁薤汁中煮一沸頓服之良。○脾弱不思食人少用能和胃氣亦用和藥。

入太陰經

凡中滿吐逆秘結牙鑿赤目痺病者切宜忌之

集異記云。刑曹進河朔健將也。為飛矢所中。鉗之不動。痛困俟死。忽夢胡僧全以米汁注之。必愈。廣詢于人。無悟者。一日一僧丐食。肖所夢者。叩之。僧云。但以寒食錫點之。如法用之。清涼頓減。酸楚至夜瘡痒。用力一鉗而出。旬日而瘡老人煩渴。寒食大麥一升水七升煎五升入赤錫二合飲之。

意沙仁

始出交趾。今處處人家種之。春生苗。莖高三四尺。葉似

素實葉而解散。故本經名解素。又似芭黍之苗。故別錄名芭實。

五六月開花結實。其實青白色。形如珠子而稍長。小兒多以線

穿如貫珠為戲。故人呼為薏珠子。

薏苡仁氣味甘微寒無毒

主治筋急拘攣不可屈伸。久風濕痺下氣。久服輕身益氣。除

筋骨中邪氣。不仁利腸胃。消水腫。令人能食。○炊飯作麪食

主不飢。溫氣煮飲。止消渴殺蛇蟲。○治肺痿肺氣積膿血。欬

嗽涕唾上氣煎服。破毒腫。○去乾濕脚氣大驗。○健脾益胃

補脾清熱去風勝濕。炊飯食治冷氣煎飲。利小便。色白堪作粥

據千金方自實。○本經上品。○仁。○色白。○堪作粥

修治取子於甑中蒸使氣餹曝乾按之得仁亦可。硃取之或杵

之取仁色青白者良。雷公云每一兩以糯米一兩同炒熟去

糯米用亦有更以鹽湯煮過者

張師正倦游錄云辛稼軒忽患疝疾重墜大如盃一道人教以

薏珠用東壁黃土炒過水煮為膏服數服即消

**綠豆**處處種之。三四月下種。苗高尺許。葉尖而有毛。至秋開小

花。莢如赤豆莢。入藥以粒小而色鮮者為良。綠以色名也。舊本

作藁者非矣。

綠豆氣味甘寒無毒。主治煮食消腫下氣。壓熱解毒。生研絞汁

服。治丹毒煩熱風癰。藥石發動。熱氣奔豚。○治寒熱熱中止

泄痢。卒澀利小便。脹滿。○厚腸胃作枕。明目。治頭風頭痛。除

吐逆。○補益元氣。和調五臟。安精神。行十二經。脉去浮風。潤

皮膚。宜常食之。煮汁止消渴。○解一切藥草牛馬金石諸毒。

治痘毒利腫脹。

綠豆粉氣味甘涼平無毒。主治解諸熱。益氣解酒。食諸毒。治發

背癰疽瘡腫及湯火傷灼○痘瘡濕爛不結痂疔者乾撲之良○新水調服治霍亂轉筋解諸藥毒死心頭尚溫者○解菰菌砒毒

綠豆宋開寶

○○○○

綠豆粒粗而色鮮者皮薄而粉多粒小而色深者皮厚而粉少早種者呼為摘綠可頻摘也遲種呼為拔綠一拔而已北人用之甚廣可作豆粥豆酒磨麪澄清取粉以水浸濕生白芽又為菜中佳品牛馬之食亦多賴之真濟世之良穀也

綠豆皮寒肉平宜連皮用

汴州涇口市民陳公誦觀音甚誠慶元初出行擲折一足忍痛叫菩薩越三晝夜夢一僧拄杖持鉢登門問所苦陳曰不幸折一足貧無力訪醫只得告佛僧曰不用過憂吾有一方接骨膏正可治汝便買綠豆粉於新鐵鉢內炒令真紫色旋汲水調成稀膏厚傅換處須教徧滿貼以白紙將杉木縛定其效如神不必假他藥也語訖僧忽不見陳亦寤如方修製用

之則愈

**扁豆**處處有之。人家多種於籬援間。蔓延而上。葉大如盃。團而

有尖。一枝三葉。其花狀如小蛾。有翅尾形。莢生花下。有長圍不  
同。皆繫繫成枝。白露後實更繁衍。嫩時可充蔬食茶料。老則收  
子煮食。子有黑白赤斑不同。入藥用白者。稿本作扁。莢形扁也。  
形象蛾眉。故一名蛾眉豆。俗呼眉豆。

白扁豆氣味甘微溫無毒  
主治和中下氣○補五臟主嘔逆久服頭不白○療霍亂吐利  
不止研末和醋服之○行風氣治女子帶下解酒毒河豚魚  
毒○解一切草木毒生嚼及煮汁飲取效○止泄痢消暑暖  
脾胃除濕熱止消渴



白扁豆別錄中品

患冷人勿食



八九月  
采收

修治連皮炒熟入藥亦有水浸去皮及生用者從本方  
白扁豆入太陰氣分通利三焦能化清降濁故專治中宮之病

消暑除濕而解毒也

永類方治女人服毒藥墮胎腹痛者及服藥胎氣已傷未墮或

口噤手強自汗頭低似乎中風九死一生醫多不識作風治

必死無疑遇此症者生白扁豆去皮為末米飲服方寸匕濃

煎汁飲亦可

事林廣記治中六畜肉毒者白扁豆燒存性研末水服之良

本草原始卷之五

本草原始卷之六

雍正正字李中立纂輯並書畫

菜部

**葵**

始生少室山。今處處有之。古人種爲常食。今之種者頗鮮。

苗高二三尺。莖及花葉似蜀葵而差小。有紫莖白莖二種。以白莖爲勝。實大如指。頂皮薄而扁。內子輕虛如榆莢仁。以秋種。覆養經冬至春作子者。謂之冬葵子。古人多用入藥。王禎農書云。葵陽草也。其菜易生。郊野甚多。不拘肥瘠地皆有之。爲百菜之

主備四時之饌本豐而耐旱味甘而無毒可防荒饉可以通脂其枯枿可以榜族根子可以療疾咸無遺棄誠蔬茹之要品民生之資益者也。今人不復食之亦無種者。按爾雅翼云葵者揆也。葵葉傾日不使照其根乃智以揆之也。古人耒葵必待露解故一名露葵其性滑利今人呼滑菜。

冬葵苗氣味甘寒無毒為百菜主其心傷人主治脾之菜也宜脾利胃氣滑大腸○宣導積滯妊婦食之胎消易生○葵汁服利小腸治時行黃病乾葉為末及燒灰服治金瘡出血○除客熱治惡瘡散膿血女人帶下小兒熱毒下痢丹毒並宜食之○服丹石人宜食○潤燥利竅功與子同

根氣味甘寒無毒主治惡瘡療淋利小便解蜀椒毒○小兒  
錢不出黃汁飲之神妙○治痔瘡出黃汁  
冬葵子氣味甘寒滑無毒主治五臟六腑寒熱羸瘦五癰利小  
便久服堅骨長肌肉○通大便消水氣滑胎治痢

比蜀葵叢短葉大

救荒本草名冬葵菜  
古呼葵菜本經上品  
食須用蒜又伏硫黃

冬葵子臣陰中之陽  
黃芩為之使



詵曰葵菜雖冷若熱食之令人熱悶動風氣四月食之發宿疾  
天行病後食之令人失明霜葵生食動五種留飲吐水凡服  
百藥忌食其心有毒也黃芩紫莖者勿食不可合鯉魚黍

米鮓食害人

唐王燾外臺秘要云天行斑瘡須臾遍身皆戴白漿此惡毒氣  
永徽四年此瘡自西域東流於海內但煮葵菜葉以蒜蘆啖  
之則止

陳自明婦人良方云乳婦氣脉壅塞乳汁不行及經絡凝滯乳  
房脹痛留蓄作癰毒者用葵菜子少青縮砂仁等分爲末熱  
酒服二錢此藥滋氣脉通營衛行津液極驗乃上蔡張不愚  
方也

**胡荽**

始生胡地今處處有之許氏說文作後云薑屬可以香口

也故本草拾遺名香荽其莖柔葉細而根多鬚綏綏然也張騫  
使西域始得種歸故名胡荽一名胡菜今俗呼爲蘆荽蘆乃莖  
葉散布之貌俗作芫花之芫非矣

根葉氣味辛溫微毒主治  
 消穀治五臟補不足利大  
 小腸通小腰氣枝四胆熱  
 止頭痛療沙癰腫豆瘡不  
 出作酒飲之立出通心竅  
 ○補筋脉令人能食治腸  
 風用熱餅裹食甚良○合  
 諸菜食氣香令人口爽辟  
 飛尸鬼疰蠱毒○辟魚肉  
 毒子氣味酸平無毒主治消  
 毒能食○蠱毒五痔及食  
 肉中毒吐下血黃汁冷服  
 又以油煎塗小兒疔瘡  
 凡服一切補藥及藥中有白朮  
 經後方治小兒疳瘕不快用胡  
 蔓二兩切以酒二大盞煎令



胡蔓  
宋嘉祐

八月下種  
晦日尤良

五月收子

沸沃以物合定勿令洩氣候冷去滓微微含噴從項背至足  
令遍勿喫其面

**水蘼**

始生高高平澤今處處有之人家園圃種蒔甚多二三月

下種延蔓而生葉大數寸五六月開黃花結瓜六七月熟名甜  
瓜其瓜有長尖圓扁大或徑尺小或一捻其稜或有或無其色  
或青或綠或黃或白其瓢或黃或白或赤未熟謂之苦瓜去瓜  
用帶約半寸許曝乾入藥俗呼苦丁香篆文瓜字象實垂蔓  
之間王禎曰大曰瓜小曰瓠其子曰瓢其肉曰瓢其附曰環環  
瓜之脫華處也其壺謂之蒾蒾瓜之繫蔓處也詩曰綿綿瓜瓠

即此也

瓜蒂氣味苦寒有毒主治大水  
身面四肢浮腫下水殺蠱毒  
欬逆上氣及食諸果病在胸  
腹中皆吐下之○去鼻中瘰  
肉療黃疸○治腦塞熱艱眼  
昏吐痰○吐風熱痰涎治風  
眩頭痛癰癧喉痺頭目有濕  
氣○得麝香細辛治鼻不聞  
香臭

甜瓜氣味甘寒滑有小毒主  
治止渴除煩熱利小便通三  
焦間壅塞氣治口鼻瘡○暑  
月食之永不中暑  
多食瓜作脹者食鹽花即化

瓜蒂使  
宋嘉祐  
苦瓜去  
瓢醬淹  
食為菜  
中佳品  
甜瓜苦  
瓜之熟  
者



凡瓜有  
兩鼻兩  
蒂者殺  
人



瓜子仁治腹內結聚破潰膿血最為腸胃脾內壅要藥○止月經太過研末去油水調服○炒食補中益人

宗奭曰甜瓜雖避暑氣而性冷消損陽氣多食未有不下痢者貧下多食深秋作痢最為難治惟以皮蜜浸收之良皮亦可作羹

熱病發黃瓜蒂末大豆許吹鼻中輕半日重一日涎取黃水愈

**徐本**生太原河東葉如芥而白子粗大如白梁王禎農書云其

氣味辛烈菜中之介然者食之有剛介之象故字從介其種菜

白胡戎而盛於蜀故一名胡芥一名蜀芥

莖葉氣味辛溫無毒

主治歸鼻除腎經邪氣利九竅明耳目安中久食溫中○止咳嗽上氣除冷氣○主欬逆下氣去頭面風○通肺豁痰利腸胃○安五臟

子氣味辛溫無毒

白芥宋開寶 葉花黃結角

主治發汗主胸膈痰冷  
上氣面目黃赤又醋  
研傳射工毒○惡  
氣道尸飛尸及暴風  
毒腫流四肢疼痛○  
燒煙及服辟和魅效  
嗽胸脇支滿上氣多  
唾者每用溫酒吞下  
七粒○利氣豁痰除  
寒暖中散腫止痛治  
喘嗽反胃痺木脚氣  
筋骨腰節諸痛

本草

處處有之春初生苗葉如苦苣中心抽莖莖端出花色

性暖熱病及患痔漏者不可食



黃如金錢如單菊而大又似金簪頭故土宿本草名金簪草。千金方作鳧公英。圖經作僕公瞿。庚辛玉冊作鵲鵠英。本經作蒲公草。俗呼蒲公丁。又呼黃花地丁。

苗氣味甘平無毒。○主治婦人乳癰水腫。○黃汁飲及封之。○立消。○解食毒散滯氣。化熱毒消惡腫。結核丁腫。○○牙烏鬚髮壯筋骨。○白汁塗惡刺。○狐尿刺瘡即愈。○足少陰腎經君藥也。

蒲公英 唐本草 北人呼黃花苗 斷之有白汁出 堪生嗽 有光葉 者亦有 花蘆者



昔日越王曾遇異人得此方極能固牙齒壯筋骨生腎水凡年  
未及八十者服之鬚髮返黑齒落更生年少服之至老不衰得  
遇此首宿有仙緣當珍重之不可輕泄用蒲公英一斤洗淨勿  
令見天日眼乾入斗子解鹽一兩香附子五錢二味爲細末入  
蒲公英淹一宿分爲二十團用皮紙三四層裹扎定用六一泥  
印蚯蚓糞如法固濟入炷內焙乾乃以武火煨通紅爲度冷定  
取出去泥爲末早晚擦牙漱之吐燕任便久久自效係積德堂  
方名還少丹

**生**江北秦晉最多。今天下通有之。六月下種。其葉如燕青。

秋采苗。冬掘根。春末抽高莖。開小花紫碧色。夏初結角。其子大  
如急性子。圓長不等。黃赤色。五月亦可再種。其根有紅白二色。  
其狀有圓長二類。按爾雅云。葵。蘆萹。孫炎註云。紫花菰也。俗呼

溫松一名電突一名蘆蕒。頌曰：紫花松、溫松皆南人所呼。吳人呼楚松。廣南人呼秦松。按松乃菜名，因其耐冬如松，故名。松菜蕒乃根名。上古謂之蘆蕒，中古轉為菜蕒。後世訛為蘿蔔。陸佃乃言菜蕒能制麪毒，是菜麥之所服，以蕒因服，蓋亦就文起意耳。乘蕒音來，北蕒音俱，音北。

氣味辛甘溫無毒

主治散服及炮炙服食大下氣消穀和中去痰癖肥健人生。搗汁服止消渴，試大有驗。○利關節理顏色，練五臟惡氣，制麪毒，行風氣，去和熱氣。○利五臟，輕身，令人白淨，肌細。○消痰止欬，治肺痿，吐血，溫中補不足，同羊肉、銀魚、炙食，治勞瘵，欬嗽。○同猪肉、食，益人生，搗服治噤口痢。○搗汁服治吐血，衄。

血寬胸膈利大小便生食止渴寬中煮食化痰消導○殺

子氣味辛甘平無毒主治研汁

服吐風痰同醋研消腫毒

下氣定喘治痰消食除脹利

大小便止氣痛下痢後重發

瘡疹子入藥微炒

頌曰萊菔功同蕪菁然力猛更

出其右斷下方亦用其根燒

熟入藥尤能制麪毒昔有婆

羅門僧東來見食麥麪者驚

云此大熱何以食之又見食

中有萊菔乃云賴有此以解

其性自此相傳食麪啖萊菔

思邈曰萊菔平不可與地黃同食令髮白為其澀營衛也時珍

曰多食動氣惟生薑能制其毒又伏咽砂

唐本草



根葉

可生可熟可醬可醋

蔬中之最有益者

醫說云饒州市民李太常苦鼻衄遂至危困醫授以方取蘿蔔

自然汁和無灰酒飲之則止

裕陵傳王荆公偏頭疼方云是禁中秘方用生蘿蔔汁一觔殼

仰臥注鼻中左痛注右右痛注左或兩鼻俱注亦可數十年

患皆一注而愈

洞微志云齊州有人病狂云夢中見紅裳女子引入宮殿中小

姑令歌每日遂歌云五靈樓閣曉玲瓏天府由來是此中惆

悵悶懷言不盡也一丸蘿蔔火吾宮也有一道士云此化大麥毒

者也毀也遂以藥并蘿蔔治之果愈

也也少安心神小姑脾神醫經言蘿蔔制麴毒故曰火吾宮火

**白蘿蔔**三月種之柔莖延蔓一枝五葉葉大如拇指秋開小白

花長莖結小角長二三寸其子黑色而細狀如初眠蠶沙不光

澤菜氣羶臭惟宜鹽茹食之因花色白故名

白花菜氣味苦辛微毒

主治下氣○煎水洗痔搗

爛敷風濕痺痛搗酒飲

止瘡

子今人治癖疾藥多用

穎曰多食動風氣滯臟腑

令人胃中悶滿傷脾

其葉六七月采畧晒以鹽

椒揉熟少晾安置罐中

發過油醋調食香美

**懷石**今交廣諸番及近郡皆有之宿根經冬生苗作叢肥莖絲

葉五六月開花如蛇床花而色黃結子大如麥粒輕而有細稜

北人呼為茴香聲相近也弘景曰煮臭肉下少許即無臭氣臭

白花菜食物本草

氣臭





醬入末亦香故曰茴香。今人謂之小茴香。

唐本草草部移入此

子氣味辛平無毒

主治諸痿霍亂及蛇傷○膀胱

胃間冷氣及育腸氣調中止痛

嘔吐○治乾濕脚氣腎勞癰疔

陰疼開胃下氣○補命門不足

暖丹曰

修治得酒良妙黃用入腎經鹽製

好占曰陽也浮也入手足少陰太

陽經

莖葉主治煖食治卒惡心腹中不

安○治小腸氣卒腎氣衝脇如

刀刺痛喘息不得生擣汁一合

投熱酒一合和服○氣味與子

同



八九月採實形圓有  
稜色青黃氣香夏月  
祛蠅辟臭食料宜之

袖珍方治助下刺痛小茴香一兩炒枳殼五錢麝炒為末每服

二錢鹽酒調服神

范汪方療惡毒癰腫或陰卵解間疼痛急牽入小腹不可忍

一宿即殺人者用茴香苗葉搗汁一升服之日三四服其滓

貼腫上冬月用根此是外國神方永嘉以來用之起死回生

神驗

**蔣羅**生佛誓國苗莖花實亦類蛇床而簇生辛香六七月採實

開寶本草名慈謀勒李時珍曰蔣羅慈謀勒皆苗語也

子氣味辛溫無毒主治小兒氣脹

霍亂嘔逆腹冷不下食兩肋痞

滿建脾開胃氣溫腸殺魚肉

毒補水臟治腎氣壯筋骨○主

膈氣消食滋食味

求類鈴方治閃挫腰痛用蔣羅碾為細末無灰酒調服二錢七



蔣羅類蛇床

子而圓小有

稜氣香今人

每呼土茴香

為蔣羅


葱有冬葱、漢葱、胡葱、客葱。凡四種。冬葱夏衰，冬盛莖葉俱軟美。分莖栽蒔而無子也。漢葱冬枯，其莖實硬而味薄。胡葱莖葉粗短，根若金燈。客葱生于山谷，入藥冬葱最善。氣味亦佳。醫學入門曰：葱空也。其葉中空，故名葱。一云葱青白色也。爾雅翼云：西域有葱嶺，其山高大，上悉生葱，故以名焉。

葱莖白，氣味辛平，葉溫，根鬚平，並無毒。

主治：作湯治傷寒寒熱、中風、面目浮腫，能出汗。○傷寒骨肉碎痛、喉痺不通、安胎、歸目、益目、睛除肝中邪氣、安中、利五臟、殺百藥毒。根治傷寒頭痛。○主天行時疾、頭痛、熱狂、霍亂、轉筋及奔豚、氣、腳氣、心腹、痛目、眩止、心迷悶。○通關節、止衄血、利大小便。○治陽明下痢、下血。○達表和裏、止血。○除風濕、身

痛麻痺蟲積心痛止大人陽脫陰毒腰痛小兒盤腸內釣婦  
 人妊娠漏血通乳汁散乳癰利耳鳴塗刺犬傷制蚯蚓毒  
 殺一切魚肉毒汁能消玉為水化五石  
 實俗呼葱子氣味辛大溫無毒主治明日補中氣不足○溫中  
 益精  
 葱初生曰葱針葉曰葱青衣曰葱袍莖曰葱白葉中涕曰葱  
 薹根曰葱鬚

葱  
別錄中品



元素曰味辛而甘平氣厚味薄升也陽也入手太陰足陽明經  
 宗爽曰葱主發散多食昏人神思熱曰正月良生葱令人面上

本草原姑

菜部

二六卷老十

起遊風生蔥同蜜食作下利燒蔥同蜜食壅氣殺人

崔氏纂要治卒中惡死或先病或平居寢臥奄忽而死皆是中

惡急取蔥心黃刺入鼻孔中男左女右入七八寸鼻日血出

即甦○又法用蔥針入耳中五寸以鼻中血出即活也如無

血出即不可治矣此扁鵲秘方也

崔給事頃在澤潞與李抱真作判官李相方以絺杖按毬子其

軍將以杖相格承勢不能止因傷李相拇指並爪甲擘裂遽

索金瘡藥累之強坐頓索酒飲至數杯已過量而面色愈青

忍痛不止有軍吏言取蔥新折者使入瘡灰火煨熟剝皮擘

開其間有涕取傳損處仍多煨取續續易熱者凡三易之而

色却赤斯須云已不痛凡十數度易用熱蔥并涕裹纏遂畢

席笑語

蚯蚓化水蔥一枝將蚯蚓去泥以鹽塗之內入中化為水見食

物本草

**韭**業生豐本長葉青翠可以根分可以子種葉高三寸便翦

忌日中。一歲三四割之。其根不傷。收子者。只可一翦。八月開花。成叢。九月收子。其子黑色而扁。許慎說文曰。一種而久者。故謂之韭。蒙筌云。久刈不乏。故以韭名。字盡因之。亦合九數。綱目云。韭之莖名韭白。根名韭黃。花名韭菁。禮記謂韭為豐本。言其美在根也。因溫補。故本草拾遺名草鍾乳。因益陽。故侯氏藥譜名起陽草。

韭氣味辛微酸溫瀟無毒

主治歸心安五臟除胃中熱利病人可久食○葉莖鯽魚鮓食斷卒下痢根入生髮膏用○根葉煮食溫中下氣補虛益陽調和臟腑令人能食止洩血膿腹中冷痛生搗汁服主胸痺

骨痛不可觸者又解藥毒療狂狗咬人數發者亦塗諸蛇蝎  
蠍蠹惡蟲毒○煮食充肺氣除心腹痞冷瘧癰瘡汁服治肥  
白人中風失音○煮食歸腎壯陽止洩精暖腰膝○煨熟以  
鹽醋空心吃十頓治胸膈噎氣擣汁服治胸痺刺痛如錐即  
吐○主吐血惡血甚驗又灌初生小兒吐去惡水惡血永無諸  
病○主吐血澄清和薑便飲之能消散胃腕瘀血甚效○飲生  
汁主上氣喘息欲絕解肉腠毒煮汁飲止消渴益汗煮產婦  
血運洗腸痔脫肛  
韭子氣味辛甘溫無  
毒主治夢中洩精  
溺血○暖腰膝治  
鬼交甚效○補肝  
及命門治小便頻  
數遺尿女人白淫  
白帶



韭

別錄中品

修治韭子揀淨蒸熟暴乾。蘇恭去黑皮炒黃用。

宗奭曰春食則香夏食則臭多食則能昏神暗目酒後尤忌

熱病後十日食之即發不可與蜜及牛肉同食花食之動風

韭黃未出糞土最不宜人食之滯氣蓋含柳蠹未申之氣故也

孔子曰不時不食正謂此輩

金瘡出血韭汁和風化石灰日乾每用為末傳之良

**假蘇**

蘇恭曰即菜中荊芥是也別錄名薑芥始生漢中川澤今

處處有之葉似落藜而細初生辛香可噉人取作生菜古方稀

用近世醫家治頭風虛勞瘡疥婦人血風等為要藥並取花實

成穗者暴乾入藥曰蘇曰薑曰芥皆因氣味辛香如蘇如薑如

芥也今人惟呼荊芥。



主穗氣味辛溫無毒

治寒熱鼠瘻瘰癧生瘡破結聚氣下瘀除濕疸○去邪除  
勞渴冷風出汗黃汁服之擣爛醋和傳丁腫○單用治惡風  
賊風口面喎斜遍身瘡痺心虛忘事益力添精辟邪毒氣通  
利血脉傳送五臟不足氣助脾胃○主血勞風氣壅滿背脊  
疼痛虛汗理丈夫脚氣筋骨煩疼及陰陽毒傷寒頭痛旋目  
眩手足筋急○利五臟消食下氣醒酒作菜生熟皆可食并  
煎茶飲之以鼓汁煎服治暴傷寒能發汗○治婦人血風及  
瘡疥為要藥○產後中風身強直研末酒服○散風熱清頭  
目利咽喉消瘡腫治項強目中黑花及生瘡陰癰吐血衄血  
下血血痢崩中痔漏

荆芥  
本經中品



葉似掃帚

夏末  
采收

說曰作菜食久動渴疾熏人五臟神○反驢肉無鱗魚及蟹  
元素曰辛苦氣味俱薄浮而升陽也好古曰肝經氣分藥也能  
搜肝氣

經驗方治產後中風荆芥穗子微炒為末酒服二錢七效

**紫蘇**也今處處有之二三月下種或宿子在地自生其莖方

其葉圓而有尖四圍有鉅齒肥地者面背皆紫瘠地者面青背  
紫嫩時采葉和蔬茹之八月開紫花成穗作房九月半枯時收  
子子細如芥子而色蒼赤本草綱目曰蘇從穌音穌舒暢也蘇  
性舒陽行氣和血故謂之蘇紫言其色也肘後方名赤蘇蘇乃  
荏類而味更辛如桂故爾雅謂之桂荏

莖葉氣味辛溫無毒

主治下氣除寒中其子尤良○除寒熱治一切冷氣○補中益

氣治心腹脹滿止霍亂轉筋開胃下食止脚氣通大小腸○

通心經益脾胃莫欽尤勝與橘皮相宜○解肌發表散風寒

行氣寬中消痰利肺和血溫中止痛定喘安胎解魚蟹毒治

蛇犬傷○以葉生炙作羹殺一切魚肉毒

子氣味辛溫無毒主治下氣除寒溫中○治上氣欬逆冷氣反

腰脚中濕氣風結氣研汁莫粥長食令人肥白○酒中益

五臟止霍亂嘔吐反胃補虛勞肥健人利大小便破癰結消

五膈消痰止嗽潤心肺○治肺氣喘急○治風順氣利膈寬

腸解魚蟹毒

紫蘇  
別錄中品



莖方  
葉紫色

李廷飛曰不可同鯉魚食生毒瘡

談楚翁試驗方治癩撲傷損用紫蘇搗傳之瘡口自合

**薄荷** 舊不著所出州土今處處有之莖葉似荏而尖長經冬根

不死夏秋採莖葉暴乾古方稀用或與薤作羹食近世治傷風  
頭腦風通關格及小兒風痰為要藥故人家多蒔之本草綱目  
曰薄荷俗稱也陳士良食性本草作拔蘭楊雄甘泉賦作菱藉  
呂忱字林作菱荳則薄荷之為訛稱可知矣孫思邈千金方作  
蕃荷又方音之訛也今人入藥多以蘇州者為勝故食性本草  
謂之吳菰蔕本草衍義謂之南薄荷

莖葉氣味辛溫無毒

主治賊風傷寒發汗惡氣心腹脹滿霍亂宿食不消下氣羹汁  
服之發汗六鮮勞乏亦堪生食○作菜久食却腎氣辟邪毒  
除勞氣令人口氣香潔煎湯洗漆瘡○通利關節發毒汗去  
憤氣破血止痢○療陰陽毒陽寒頭痛四季宜食○治中風  
失音吐痰○作汁服去心臟風熱○清頭目除風熱○利咽  
喉口瘡諸病治瘰癧瘡疥風瘙癢瘡瘳瘳汁含嗽去舌胎語澀  
接葉塞鼻止衄血塗蜂螫蛇傷

薄荷  
唐本草



梗方嫩青老  
紫

葉對生有齒

元素曰辛涼氣味俱薄浮而升陽也好古曰手足厥陰氣分藥也

陸農師曰薄荷貓之酒也犬虎之酒也桑椹鵝之酒也茵草魚

之酒也皆般食醫心鏡云薄荷煎鼓湯煖酒和飲煎茶生食

並宜蓋菜之有益者也

明目經驗方治眼弦赤爛薄荷以生薑汁浸一宿曬乾為末每

用一錢沸湯泡洗

**薄荷** 生田野中。苗初搨地嫩葉可作茹。至夏葉間攢葶開紫

花結三瓣角兒中有子如芥子而小茶褐色其角類箭頭故一

名箭頭草。

氣味甘平無毒

主治傳諸腫毒止痛散血

堇菜  
新增

開紫花  
結三稜  
萌兒

萌乾裂  
子落



**堇兒酸**

所在田野皆有之苗比水  
莖矮短莖葉亦類水莖其  
莖節密其葉亦稠比水莖葉瘦小  
可作菜食根赤黃色有節今人呼  
為穿地鱗  
味甘無毒  
堇兒酸根今人接骨藥中多用之

新增

堇兒酸形



救飢採苗葉燂熟以新  
汲水淘淨油鹽調食

**生薑乾薑**

生健爲山谷及荊州揚州。今處處有之。以漢溫池州者爲良。苗高二三尺。葉似箭竹葉而長。兩兩相對。苗青根黃。無花實。秋採根於長流水洗過。日曬爲乾薑。漢州乾薑法。以水淹三日去皮。又置流水中六日。更刮去皮。然後曝之。令乾。釀於瓦中。三日乃成也。今人呼爲白乾薑。又曰均薑。按許慎說文薑作疆。云。禦濕之菜也。王安石字說云。薑能疆禦百邪。故謂之薑。初生嫩者其尖微紫。名紫薑。或作子薑。宿根謂之母薑也。

生薑氣味辛微溫無毒

主治久服去臭氣通神明○歸五臟除風邪寒熱傷寒頭痛鼻




塞欬逆上氣止嘔吐去痰下氣○去水氣滿瘵欬嗽時疾和  
半夏主心下急痛和杏仁作煎下急痛氣實心胸擁隔冷熱  
氣神效搗汁和蜜服治中熱嘔逆不能下食○散煩悶開胃  
氣汁作煎服下一切結實衝胸膈惡氣神驗○破仁調中去  
冷氣汁解藥毒○除壯熱治痰喘脹滿冷痢腹痛轉筋心滿  
去胸中臭氣狐臭殺腹內長蟲○益脾胃散風寒○解菌薑  
諸物毒○生用發散熟用和中解食野禽中毒成喉痺浸汁  
點赤眼搗汁和黃明膠熬貼風濕痛甚妙○薑屑和酒服治  
偏風○薑皮主消浮腫腹脹痞滿和脾胃去腎

乾薑

主治胸滿欬逆上氣溫中止血出汗逐風濕痺腸癖下痢生者  
尤良○寒冷腹痛中惡霍亂脹滿風邪諸毒皮膚間結氣止  
唾血○治腰腎中疼冷氣破血去風通四肢關節開五臟六  
腑宣諸脉絡去風毒冷痺夜多小便○消痰下氣治轉筋吐  
瀉腹臍反胃乾嘔痰血撲損止鼻紅解冷熱毒開胃消宿食  
○主心下寒痞目睛久赤

主薑 別錄 草部 今移



漢州白 乾薑白 淨結實 俗呼為 均薑入 藥最良



他處乾 薑皮色 黑黃肉 不結實 市賣通 是此類



好古曰 大熱 服令人 目暗餘 同生薑

氣味俱厚浮而升陽也○修治乾薑火炮用  
之辛曰秦椒為之使殺半夏良藥毒惡黃芩黃連天鼠糞  
私煮曰久服少志少智傷心氣今人嗽辛辣物惟此最常飲  
思適曰八九月多食薑至春多患眼損壽減筋力厚婦食之令  
久患咳噫連咳四五十聲者取生薑汁半合蜜一匙煎熟溫服  
如此三服立效  
生薑使  
傷寒類要治婦人傷寒雖差未滿百日不可與男交合為陰陽

本草綱目 卷之六 下 薑 干 薑 干 薑

之病必手足拘攣欲死丈夫病各為陰易婦人名為陽易速當汗之可愈滿四日不可療宜令服此藥乾薑四兩為末湯調頓服覆衣被出汗得解手足伸遂愈千金方治中寒水瀉乾薑炮研末粥飲服二錢立效

**大蒜**也處處有之每顆六七瓣初種一瓣當年便成獨子葫

至明年則復其本矣其花中有實亦作葫瓣狀而極小亦可種之張騫使西域得大蒜則此物漢始有之以其自胡中來故先葫蒜小蒜也處處有之根苗皆如葫而細小許氏說文謂之蘘菜爾雅曰蒹即此也中國初惟有此後因漢得葫于西域遂呼此為小蒜蒜字從祿音蒜諧聲也又象蒜根之形

葫氣味辛溫有毒久食損人目

主治歸五臟散癰腫蜜瘡除風和殺毒氣○下氣消殺化肉○

去水惡痒氣除風濕破冷氣氣爛疥癬伏和惡宣通溫補療瘡○

癰救鬼去痛○健脾胃治腎氣止霍亂轉筋腹痛除和崇解

溫疫療癆瘡冷風傳風損冷痛惡瘡蛇蟲蠱毒溪毒沙蟲並


搏貼之熟醋浸經年者良○溫水搗爛服治中暑不醒搗貼

蒜氣味辛溫有小毒足心止鼻衄和豆豉丸服治暴下血通水道

蒜氣味辛溫有小毒足心止鼻衄和豆豉丸服治暴下血通水道

主治歸脾腎主霍亂腹中不安消殺理胃溫中除和痺毒氣○

主溪毒○下氣治蠱毒傳蛇蟲沙蟲瘡○塗丁腫甚良



品下錄別蒜葫

蒜大小二種皆八月下種春食苗夏初食莖五月食根北人食之最多

震亨曰大蒜屬火性熱喜散快膈善化肉暑月人多食之傷氣

之禍積久自見養生者忌之化肉之功不足論也

穎曰多食傷肺傷脾傷肝膽生痰助火昏神○台蜜食殺人

葉石林避暑錄云一僕暑月馳馬忽仆地欲絕同舍王相教用

大蒜及道上熱土各一握研爛以新汲水和之去滓決盡灌

之少頃即甦相傳徐州市門忽有版書此方咸以為神仙救

人云

按李絳兵部手集方云毒瘡腫毒號叫臥眠不得人不能別者

取獨頭蒜兩顆搗爛麻油和厚傅瘡上乾即易之屢驗盧垣

侍郎有上瘡作連心痛悶用此便差又李僕射患腦癰久不

差用此亦差又葛洪肘後方云凡背腫取獨蒜橫截一分安

腫頭上煨艾如梧子大灸蒜百壯不覺漸消灸為善勿令

太熱覺痛即舉起蒜蒜焦更換新者勿損皮肉洪嘗告小

癢下惡一大瘡灸之亦差又江寧府紫極宮刻石記其事云

但是發背癰疽惡瘡腫核初起有異皆可灸之不計壯數性要痛者灸至不痛不痛者灸至痛極而止疣贅之類灸之亦便成痂自脫其效如神乃知方書無空言者但人不能以意詳審則不得盡應耳

**茄**

處處有之二月下種生秧移栽株高二三尺葉大如掌自夏

至秋開紫花五瓣相連五稜如縷黃蕊綠蒂蒂包其茄茄中有瓢瓢中有子子待九月黃熟時收取按段成式云茄音加乃蓮莖之名今呼茄其音若伽未知所自也陳藏器本草云茄一名落蘇按五代貽子錄作酪酥蓋以其味如酪酥也杜寶拾遺錄云隋煬帝改茄爲崑崙瓜又王隱君養生主論治瘡方用乾茄

諱名草龍甲蓋以龍甲能治寒熱茄亦能治寒熱故爾

茄子氣味甘寒無毒

主治寒熱五臟勞○治

溫疾傳尸勞氣醋摩

傳腫毒○老裂者燒

灰治乳裂○散血止

痛消腫寬腸

帶燒灰米飲服二錢治

腸風下血不止及血

痔○治口齒腫瘡生

切擦癰風

花治金瘡牙痛

根及枯莖葉主治凍瘡

皸裂羹湯漬之良

根飯上蒸過治癰瘻



茄 宋開寶

久冷人不可多食損人動氣發瘡及痢疾

李廷飛曰秋後多食損目生生編云茄性寒利多食必腹痛下

利女人能傷子宮也

劉松石保壽堂方治印瘡偏墜用雙蒂茄子懸于房門上出入

用眼視之茄篤所患亦篤茄乾亦乾矣又法用雙蒂懸門上

每日抱兒視之二三次釘針于上十餘日消矣

治癰風用茄蒂蘸薑汁調硫黃白附子末擦之取其散血也白

癰用白蒂紫癰用紫蒂亦各從其類耳

海上名方治牙痛秋茄花乾之旋燒研塗痛處立止

鮑氏方治牙痛取牙方用茄科以馬尿浸三日曬乾炒為末每

用點牙即落真妙

**翻白薯**

救荒本草名雞腿根野菜譜名天藕高七八寸葉硬而

厚有鉅齒背白似地榆而細長開黃花根如指大長三寸許皮

赤肉白剥去赤皮其內白色如雞肉生食煮熟皆宜本草綱目



曰翻白。以葉之形名也。雞腿天藕。以根之味名也。

根氣味甘微苦平無毒

新增

主治吐血下血崩中瘡疾

癰腫瘡疥

瀕湖集簡方治崩中下血

用湖雞腿根一兩擣碎

酒二錢煎一錢服

疔瘡初起不拘已成未

成用翻白草十科酒煎

服出汗即愈

瘰癧潰爛端午日午時

采翻白草每用一握煎

湯金感圍住熏洗極效

本草原始卷之六



葉今人作湯洗瘡疥用

葉正面色青翻面色白

楚人謂之湖雞腿淮人謂之天藕